



SDBiH

Socijaldemokrate Bosne i Hercegovine
Социјалдемократе Босне и Херцеговине

KLUB ZASTUPNIKA SDBIH U SKUPŠTINI TK

Broj: 162-2/24

TUZLA, 22.04.2024. godine

SKUPŠTINA TUZLANSKOG KANTONA
T U Z L A

PRIMLJENO 23.4.2024			
Org.jed.	Klasif.oznaka	Redni broj	Br. priloga
02	02	243-6/24	-

SKUPŠTINA TUZLANSKOG KANTONA

n/r Predsjednika Žarko Vujović

U skladu sa članom 112. Poslovnika o radu Skupštine Tuzlanskog kantona, Klub zastupnika SDBiH podnosi:

Prijedlog deklaracije o osudi negiranja genocida u Srebrenici od strane Narodne skupštine Republike Srpske

Na osnovu člana 24. stav 1. tačka n) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 19/99, 10/00, 14/02, 6/04 i 10/04) i člana 112. Poslovnika Skupštine Tuzlanskog kantona („Službene novine Tuzlanskog kantona“, br. 13/19 i 5/20), na prijedlog Kluba zastupnika Socijaldemokrata BiH (SDBiH), Skupština Tuzlanskog kantona, na sjednici održanoj 22.04.2024. godine, donosi

DEKLARACIJU

o osudi negiranja genocida u Srebrenici
od strane Narodne skupštine Republike Srpske

- Pozivajući se na Konvenciju o zabrani i sprečavanju zločina genocida, koju je Opća skupština Ujedinjenih naroda prihvatila 9. decembra 1948. godine, Ustav Bosne i Hercegovine i brojne presude o počinjenom genocidu, kojima je presuđeno više od 700 godina zatvora za genocid i druge zločine počinjene u Srebrenici, Skupština Tuzlanskog kantona najoštrije osuđuje protuustavno djelovanje Narodne skupštine Republike Srpske koja je, na sjednici održanoj 18. aprila 2024. godine, usvojila zaključke o prihvatanju Izvještaja takozvane Međunarodne radne komisije za istraživanje stradanja svih naroda u srebreničkoj regiji u period od 1992. do 1995. godine i time sramno i nedvojbeno negirala genocid počinjen u Srebrenici te traži poništenje svih zaključaka donesenih na sjednici Narodne skupštine Republike Srpske.
- Duboko vjerujući u institucije sistema Bosne i Hercegovine i institucije međunarodne zajednice, Skupština Tuzlanskog kantona poziva predstavnike međunarodne zajednice u Bosni i Hercegovini, a prije svega OHR i visokog predstavnika Cristiana Schmidta, da

Adresa: Turatlibegova 22/1, 75000 Tuzla | BR. 032-0-Reg-19-001341 | NLB Banka d.d. Sarajevo

Telefon: +387/35-261-333 |

transakcijski račun: 1321002022125028

mail: sdbih@sdbih.ba press@sdbih.ba |

ID broj: 4210394970009

spriječe antidejtonsko i antiustavno djelovanje od strane predsjednika manjeg bh entiteta, a koje je posebno intenzivirano i izraženo u posljednjih nekoliko mjeseci.

3. Uvažavajući pravo na dostojanstvo svake žrtve genocida, kao i članova njihovih porodica, Skupština Tuzlanskog kantona poziva Tužilaštvo Bosne i Hercegovine i druge nadležne institucije da, u skladu sa Krivičnim zakonom Bosne i Hercegovine, hitno poduzmu mjere iz svoje nadležnosti kako bi se procesuirali i sankcionisali svi pojedinci koji su učestvovali u pripremi, kreiranju i poticanju usvajanja zaključaka kojim se negira genocide počinjen nad Bošnjacima u Srebrenici, uključujući i predsjednika Republike Srpske i predsjednika Narodne skupštine Republike Srpske.

4. Skupština Tuzlanskog kantona poziva nadležne organe vlasti u Tuzlanskom kantonu i Bosni i Hercegovini da poduzmu sve potrebne mjere iz svoje nadležnosti, u skladu sa ustavom i zakonom, kako bi se osigurali ustavni poredak, suverenitet, teritorijalni integritet i međunarodno priznate granice Bosne i Hercegovine.


5. Ova deklaracija će biti objavljena u "Službenim novinama Tuzlanskog kantona".

Bosna i Hercegovina
Federacija Bosne i Hercegovine
TUZLANSKI KANTON
SKUPŠTINA
kantona

Broj: _____/24
Tuzla, _____ 2024. godine

Predsjednika
Skupštine Tuzlanskog

Žarko Vujović



Predsjednik Kluba zastupnika SDBIH

Husein Tokić
Husein Tokić